



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1514. usque ad annum 1520

Fleury, Claude

August. Vind. [u.a.], 1769

VD18 90118464

§. 96. Muliercula quædam a Rege de valetudine sua in consilium adhibita

[urn:nbn:de:hbz:466:1-66414](https://nbn-resolving.org/urn:nbn:de:hbz:466:1-66414)

bat, quod Ferdinandus regno ad dies vitæ potiretur, denique etiam Archiduci opem ferre spondebat: igitur foedus utrinque firmatum est. Ast Rex Catholicus re comperta testamentum condidit, quo Ferdinandum Nepotem suum Monarchiæ Castellaniæ necnon Navarræ & Arragoniæ Regnorum, quæ eidem adjunctæ fuere, hæredem dixit, perinde acsi liberam de iis disponendi facultatem habuisset, excluso Carolo natu majori, quem Belgio ac maternæ Aviæ suæ successione auctum aliunde sat potentem esse affirmabat: Cum autem exequendis hisce Ferdinandi consiliis unice obstaret Cervius, Rex nil intentatum reliquit, ut hunc submoveret; ast omnes ejus conatus in irritum cadebant, nequicquam adhibitis etiam Henrici VIII. Angliæ Regis sollicitationibus, qui misso ad Archiducem Legato eundem, ut Cervium abire juberet, toto studio urgebat.

§. XCVI.

Muliercula quædam a Rege de valetudine sua in consilium adhibita.

Interea cum tam morbi vis, quam curarum inquietudo ac animi perturbationes indies crescerent, Rex vix non cum morte luctabatur, nihilominus, cum potius

Sæcul. XVI.
A.C. 1516.

Sæcul. XVI.
A.C. 1516.

tius æternæ salutis suæ negotiis minime deesse debuisset, de sanitate sua anxius ex quadam Hispana muliercula, quæ vulgo *Beata de Albuçella* vocabatur, residuum vitæ suæ cursum explorari iussit. Hæc doctissimos etiam Viros decipere solita, ex Regis confidentia magnam sibi conciliari famam arbitrabatur, unde velut divino spiritu afflata eidem non modo longævus vitæ dies, sed & uberrimos victoriarum fructus prælagiebat. At Dei providentia ementita *Beata* vaticinia pudore suffudit.

Ferdinandus enim Madrigalegio, quæ domus erat prope castra Julia ad jucunditatem constructa, reversurus, tam vehementi morbi accessione opprimebatur, ut Medici eidem haud dubitanter exponerent, de ejus salute conclamatum esse.

§. XCVII.

Resciso priori testamento Carolus hæres scriptus.

Ferdinandus accepto mortis nuncio testamenti tabulas, quarum nuper meminimus, rescidit; Laurentius enim Galiañez de Cervajalo Doctor, Zapata Licentiatus, Franciscus de Vargas ærarii Præfectus, omnes tres Regii Senatus præcipui viri prius, quod Rex condiderat, testamentum tam validis impugnabant

argu-